



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXXIII. Bischof Friedrich von Camin bestätigt einen in der Jacobikirche zu
Prenzlau errichteten Altar, am 2. März 1336.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

LXXXII. Der Propst zu Gramzow verzeiht der Stadt Prenzlau, die ihn mit einem Genossen gefangen genommen, die begangenen Gewaltthaten, am 21. April 1335.

In nomine domini Amen. Studiose agendum est, ut ea que aguntur seu permittuntur opere compleantur. Hinc est, quod nos Johannes, Dei gratia Gramzowensis ecclesie prepositus, cum consensu et consilio ac ex certa sciencia et bona voluntate Wynandi prioris nostri totiusque conventus ibidem, ad petitionem consulum ac tocius ciuitatis prenzlaw, ob reuerenciam domini nostri Iesu Christi et beate Marie virginis matris sue gloriose, sicut eis placitando permisimus, omnem injuriam ac violenciam et contemptum et omnia obprobria Deo et nobis ac ecclesie nostre et socio nostro Lvdolpho a tunc temporis consulibus ac defensoribus et eorum fautoribus consilio et auxilio irrogata, quantum nostra intererit uel interesse poterit in futurum, nunc consulibus et pluribus aliis nescientibus, ideo quod tunc consules, cum eorum fautoribus, nos vna cum nostro socio Lvdolpho captiuauerunt et ad ciuitatem prenzlaw perduxerunt, et nos ligauerunt vinculis ligneis et ferreis, nunc consulibus et ciuibus vniuersis dicte civitatis dimisimus et dimittimus per presentes, obligantes nos et successores nostros et ecclesiam nostram sine iudicio uel grauamine dicte ciuitatis predicta omnia in perpetuum seruatuos. Datum prenzlaw coram consulibus nouis et antiquis, scabinis et magistris omnium ghuldarum, Anno Domini M^o. CCC^o. XXXV^o. feria sexta infra octauas pasche.

Aus Beckmann's Abschrift des Originals.

LXXXIII. Bischof Friedrich von Camin bestätigt einen in der Jacobikirche zu Prenzlau errichteten Altar, am 2. März 1336.

In Nomine sancte et individue Trinitatis Amen. Fredericus, Dei gratia Episcopus Ecclesie Caminensis ad perpetuam rei memoriam; Cum a nobis petitur, quod iustum est, ordo iuris et vigor expostulat rationis, vt id ad effectum debitum perducamus quod tunc eo prompcius facimus cum in his cultum diuinum augeri conspiciamus, que libenti animo perhennando quantum auctoritate ordinaria possumus, confirmamus. Sane vidimus et audiimus litteras honorabilis viri domini Johannis de Steghelis pie memorie, quondam plebani in Premslaw, et discretorum virorum consulum ciuitatis eiusdem sanas et illesas super proprietate et libertate plenaria trium mansorum in campo dicte ciuitatis sitorum et pertinencium ad quoddam Altare beate Marie virginis constructum in Ecclesia sancti Jacobi ibidem per honorabiles viros Hinricum de Ghocowe, Presbiterum, et Hinricum Bismarcke, prefate ciuitatis eiuem, fundatum et dotatum, sub anno Domini M^o. CC^o. XCIX^o. quinto Iduum Februarij confectas et sigillis saluis dicti Plebani et civitatis Premzlaw sigillatas, Item vidimus litteras discretorum virorum Consulum ciuitatis Prenzlau ante dicte super libertate exactionis et quarumcunque talliarum vnius Mansi, que Schot vulgariter nuncupatur, siti in campo eiusdem ciuitatis et ad idem Altare in Ecclesia S. Jacobi predicta erectum pertinentis: Quem vide-

licet mansum Dominus Henricus de Ghocowe memoratus sua propria pecunia comparavit, sub anno Domini M^o. CCC^o. septimo in die S. Gregorii Pape confectas et ciuitatis premisse sigillo figillatas. Post hec etiam vidimus et conspeximus literas Magnifici Principis Domini Woldemari Brandenburgensis et Lufatie Marchionis super donatione proprietatis sex talentorum duobus solidis minus, sitorum in censu mansorum Ciuitatis Premzlau et proprietatem septem solidorum denariorum Brandenburgensium, duorumque chororum et dimidii quadruplicis annone sitorum in censu mansorum ciuitatis Straceborch pertinencium ad quoddam Altare in honorem beate Bartholomei apostoli dedicatum et in ecclesia S. Jacobi Apostoli sepedicta per discretos viros Conekinum, Hennighum, Nicolaum et Gherardum, filios Hinrici Bismarek prius fati, nec non Hinricum et Henningum, filios Eykonis de Brunfwick, cives dicte ciuitatis, erectum et constructum sub anno domini M^o. CCC^o. XIX^o. confectas et eiusdem Domini Marchionis sigillo sano et integro figillatas, quarum tenores de verbo ad verbum propter prolixitates earum omisimus; sed tamen vilitatem et effectum earundem sub modo et forma breuiori quo potuimus colligere fecimus et in presentibus mencionem facimus de eisdem. Nos prefatorum Conekini, Henninghi et Nicolai dictorum Bismarcke, nec non Hinrici et Henninghi Eycken humiliter supplicancium, vt dicta Altaria cum suis proprietatibus et libertatibus confirmare dignaremur, petitionibus condignis inclinati, prefatas, fundacionem, dotacionem ac proprietatis ac libertatis donacionem, tam mansorum, denariorum, quam annone cum ordinacione iuris patronatus, cum forma siue modo officandi, ac memoria ipsorum fundatorum perpetuo peragenda, prout in litteris originalibus cautum est et euidenter continetur, nec non cum omnibus ac singulis condicionibus ac specificacionibus in eisdem ceteris expressis siue comprehensis gratam et ratam habentes eaque in nomine Domini auctoritate nostra confirmamus per presentes. Volentes omnes predictos redditus eodem iure censeret et ad illos solos spectare debere, quibus predicta Altaria pro tempore fuerunt collata, ut superius est expressum et omnes redditus predictos sepedictis Altaribus presentibus adunamus: Inhibendo sub pena anathematis, ne potestas secularis, uel alius quicumque cuiuscunque condicionis fuerit in redditibus seu prouentibus Altarium predictorum sibi quicquam vendicet seu vsurpet, contra nostram confirmacionem, sicuti omnipotentis Dei et nostram canonicam euitare voluerit vltionem. In quorum omnium premissorum euidentiam plenior presentem litteram desuper confectam sigilli nostri munimine dedimus communitam. Datum Stettin, Anno Domini M^o. CCC^o. XXXVI^o. sabbato proximo ante Dominicam, qua Oculi mei cantabatur.

Nach Beckmann's Abschrift des Originals.

LXXXIV. Der Rath zu Prenzlau befundet eine der Marienkirche von Johann Ziemfendorf gemachte Schenkung, am 14. April 1336.

In nomine domini Amen. Uniuersa negocia tradita litteris et voci testium, ex eorum trahunt memoria firmamentum. Nos igitur Thydericus murmester, Albertus de Jagow, petrus de Klinckow, nycolaus gudelin, Hinricus Koningh, Hinricus branden-